

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21), na prijedlog Ministarstva zdravstva, Vlada Zeničko-dobojskog kantona, na 111. sjednici, održanoj dana 01.07.2021. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2021. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100- „Kapitalni transferi drugim nivoima vlasti- za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100- „Kapitalni transferi drugim nivoima vlasti – za zdravstvo“ u iznosu od 4.000.000,00 KM (slovima: četirimiliona konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 01.07.2021. godine
Zenica

DOSTAVLJENO

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA SREDSTAVA PLANIRANIH
U BUDŽETU ZENIČKO-DOBOJSKOG KANTONA ZA 2021. GODINU
NA POZICIJI
„KAPITALNI TRANSFERI DRUGIM NIVOIMA VLASTI- ZA ZDRAVSTVO“**

Zenica, juni 2021. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija „Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2021. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

Pandemija izazvana virusom COVID 19 koja je obilježila čitavu 2020. godinu je nastavljena i u 2021. godini, te je postojala objektivna potreba za planiranjem određenih sredstava za neophodne nabavke koje će biti u funkciji sprečavanja širenja pandemije i liječenja pacijenata oboljelih od COVID-19.

Vlada Zeničko-dobojskog kantona donijela je Odluku o raspodjeli planiranih sredstava u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti- za zdravstvo“, broj: 02-11-7756/21 od 31.05.2021. godine kojom je utvrđena raspodjela kapitalnih transfera za redovne kapitalne transfere i kapitalne transfere čiji je cilj sprečavanje širenja zarazne bolesti izazvane virusom COVID-19.

2. Naziv programa

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti - za zdravstvo“.

3. Ciljevi programa

Pored činjenice da su navedena ulaganja zakonska obaveza za zdravstvene ustanove kojima je osnivač Vlada Zeničko-dobojskog kantona, planiranjem određenih sredstava za zdravstvene ustanove kojima je osnivač grad/općina, doprinosi se poboljšanju kvaliteta zdravstvene zaštite u cjelini.

Izdavanjem sredstava za namjene utvrđene Programom doprinosi se:

- Podizanju zdravstvene zaštite na viši nivo kroz nabavku neophodne medicinske i nemedicinske opreme,
- obnavljanju zastarjele opreme,
- povećanju zadovoljstva korisnika zdravstvenih usluga,
- smanjenju odliva sredstava u druge kantone za pružene zdravstvene usluge u drugim zdravstvenim ustanovama,
- rješavanje urgentnih potreba zdravstvenih ustanova,
- praćenje i sprečavanje širenja novog korona virusa i poduzimanje neophodnih mjera u cilju zaštite stanovništva od zaraznih bolesti, poduzimanje mjera i aktivnosti da se omogući adekvatno liječenje pacijenata pozitivnih na COVID 19,
- obezbjeđenje neophodne opreme za provođenje vakcinacije protiv COVID-19 i dr.

4. Izvori sredstava

Budžetom Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) na razdjelu 21, budžetska organizacija 01, potrošačka jedinica 0001-Ministarstvo zdravstva, ekonomski kod 615100, pozicija „Kapitalni transferi drugim nivoima vlasti-za zdravstvo“ planirana su sredstva u iznosu 4.000.000,00 KM, a Odlukom Vlade Kantona broj: 02-11-7756/21 od 31.05.2021. godine utvrđena je raspodjela planiranih sredstava za kapitalne transfere za zdravstvo i to 3.000.000,00 KM za redovne kapitalne transfere i 1.000.000,00 KM za kapitalne transfere u funkciji sprečavanja širenja zarazne bolesti izazvane virusom COVID-19 i liječenja zaraženih pacijenata.

Realizacija se ostvaruje donošenjem programa utroška sredstava i odgovarajućih akata (odluka) o odobravanju sredstava od strane Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici programa

Korisnici Programa su javne zdravstvene ustanove sa područja Zeničko-dobojskog kantona.

Programom potrošnje Kapitalnih transfera za zdravstvo, potrošnja planiranih sredstava za kapitalne transfere za zdravstvo u 2021. godini podijeljena je u dvije cjeline:

- Kapitalni transferi javnim zdravstvenim ustanovama za redovne kapitalne transfere u iznosu 3.000.000,00 KM, od čega se na JU Kantonalna bolnica Zenica odnosi 2.200.000,00 KM, a na ostale javne zdravstvene ustanove 800.000,00 KM.
- Kapitalni transferi zdravstvenim ustanovama za neophodne nabavke koje su u direktnoj funkciji sprečavanja širenja zarazne bolesti izazvane virusom COVID-19, liječenja COVID pozitivnih pacijenata i provođenja vakcinacije u iznosu 1.000.000,00 KM, od čega se na JU Kantonalna bolnica Zenica odnosi 800.000,00 KM, a na ostale javne zdravstvene ustanove 200.000,00 KM.

II PROGRAMI

1. Kapitalni transferi javnim zdravstvenim ustanovama za redovne kapitalne transfere - planirani iznos 3.000.000,00 KM

1.1. Kapitalni transferi JU Kantonalna bolnica Zenica za redovne kapitalne transfere - planirani iznos 2.200.000,00 KM

Vlada Zeničko-dobojskog kantona već nekoliko godina u Budžetu Zeničko-dobojskog kantona planira značajna sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine sukladno članu 13. Zakona o zdravstvenoj zaštiti („Službene novine Federacije Bosne i Hercegovine”, broj: 46/10 i 75/13), obzirom da se radi o zdravstvenoj ustanovi čije je osnivač Vlada Kantona i ustanovi od opšteg značaja za liječenje pacijenata sa područja Zeničko-dobojskog kantona.

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i zdravstvenih radnika prilikom izvođenja određenih zahvata, povećanju broja usluga koje se pružaju pacijentima.

Obzirom na starost objekta JU Kantonalna bolnica Zenica, izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za kapitalne transfere za JU Kantonalna bolnica Zenica iznose 2.200.000,00 KM ili 73,3 % ukupno planiranih sredstava namijenjenih za redovne kapitalne transfere za zdravstvo.

Na zahtjev JU Kantonalna bolnica broj: 01-11-3258/21 od 04.06.2021. godine, a prema prioritetima koje je iskazala ova zdravstvena ustanova, u Program su uvršteni:

Redni broj	Vsta ulaganja	Planirana sredstva po Programu
1.	Nabavka medicinske opreme	1.500.000,00 KM
2.	Nabavka nemedicinske opreme	135.000,00 KM
3.	Građevinski radovi	300.000,00 KM
4.	Nabavka rezervnih dijelova za medicinsku i nemedicinsku opremu	265.000,00 KM
	UKUPNO	2.200.000,00KM

Planirana sredstva za nabavku medicinske opreme dijelom se odnose na ranije zaključene ugovore o nabavci medicinske opreme, odnosno na dio troškova koji će po osnovu tih ugovora teretiti 2021. godinu, a dio na planirane nove nabavke u 2021. godini, prema prioritetima koje utvrdi JU Kantonalna bolnica Zenica.

JU Kantonalna bolnica Zenica je zaključila sa „Diamedic“ d.o.o. Sarajevo Ugovor broj: 33-04-4718/20 od 24.08.2020. godine, kojim je ugovorena nabavka medicinske opreme za nadogradnju aparata magnetne rezonance- Magnetom Avanto, proizvođača „Siemens“-„UPGRADE MR“. Ukuno ugovorena cijena iznosi 1.753.245,00 KM (sa PDV-om). U skladu sa članom 6. Ugovora, 30% ugovorene cijene plaćeno je avansno po zaključenju Ugovora, dok će se ostatak ugovorene cijene platiti u 24 jednake mjesečne rate (24 x 51.136,31 KM) nakon isporuke i instalacije opreme.

U skladu sa navedenim obavezama JU Kantonalna bolnica Zenica po ovom Ugovoru u 2021. godini iznose 460.226,81 KM.

Ugovorom o nabavci endoskopske opreme za potrebe Odjela urologije, broj: 33-04-5477/20 od 01.10.2020. godine, ugovorena je ukupna cijena nabave u iznosu od 159.963,40 KM bez PDV-a, odnosno 187.157,18 KM sa PDV-om. U skladu sa ugovorenim obavezama na 2020. godinu su se odnosile tri mjesečne rate po 31.192,86 KM, odnosno iznos od 93.578,59 KM, dok će preostale tri rate teretiti 2021. godinu.

Ugovorom o nabavci endoskopske opreme za potrebe Odjela interne medicine sa hemodijalizom, broj: 33-04-4470/20 od 17.08.2020. godine, ugovorena je ukupna cijena nabave u iznosu od 265.780,07 KM bez PDV-a, odnosno 310.962,68 KM sa PDV-om. U skladu sa ugovorenim obavezama na 2020. godinu su se odnosile četiri mjesečne rate po 25.913,56 KM, odnosno iznos od 103.654,24 KM, dok će preostalih osam rata teretiti 2021. godinu.

Ugovorom o nabavci medicinske opreme- Set za rigidnu traheobronhoskopiju i ezofagoskopiju za potrebe ORL I MFH JU Kantonalna bolnica Zenica, broj: 33-04-5530/20 od 06.10.2020. godine, ugovorena je ukupna cijena nabave u iznosu od 44.941,00 KM bez PDV-a, odnosno 52.580,97 KM sa PDV-om sa plaćanjem u šest jednakih mjesečnih rata, od čega su tri rate po 8.763,50 KM teretile 2020. godinu, a preostale tri rate će teretiti 2021. godinu.

U 2021. godini planirana je nabavka medicinske opreme za potrebe odjela za hirurške bolesti, neurohirurgije, plastične hirurgije, ortopedije, interne medicine, ginekologije i drugih odjela po prioriteta koje utvrdi JU Kantonalna bolnica.

U okviru planiranih sredstava za nemedicinsku opremu (135.000,00 KM) planirana je nabavka agregata i vozila za leševe, a u okviru građevinskih radova (300.000,00 KM) planirani su radovi na osposobljavanju koronarne jedinice i drugi građevinski radovi za koje postoji potreba.

Nabavka rezervnih dijelova planirana je u iznosu od 265.000,00 KM za nabavku rezervnih dijelova za medicinsku i nemedicinsku opremu s ciljem izbjegavanja zastoja u radu i efikasnijeg pružanja zdravstvenih usluga.

Kriterij za dodjelu sredstava

Prioritetne nabavke u okviru planiranih sredstava utvrđuje menadžment JU Kantonalna bolnica Zenica. JU Kantonalna bolnica Zenica provodi postupak nabavke opreme, građevinskih radova i nabavke rezervnih dijelova u skladu sa Zakonom o javnim nabavkama („Službeni glasnik Bosne i Hercegovine”, broj: 39/14) i planom nabavki ove zdravstvene ustanove usklađenim sa Programom.

Nakon okončanja postupka javnih nabavki JU Kantonalna bolnica Zenica podnosi zahtjev Ministarstvu zdravstva za odobravanjem sredstava. Na prijedlog Ministarstva zdravstva, Vlada Zeničko-dobojskog kantona donosi odluke o odobravanju sredstava.

Uslovi transferisanja sredstava na račun JU Kantonalna bolnica Zenica broj:134-010-0000339717 otvoren kod ASA banke, precizirat će se svakom pojedinačnom odlukom o odobravanju sredstava sukladno zaključenim ugovorima.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču prema uslovima iz zaključenih ugovora o nabavci.

1.2. Kapitalni transferi ostalim javnim zdravstvenim ustanovama za redovne kapitalne transfere - planirani iznos 800.000,00 KM

U okviru planiranih sredstava za ostale javne zdravstvene ustanove planiran je iznos od **158.935,08 KM za Zavod za medicinu rada i sportsku medicinu Zeničko-dobojskog kantona**, koji se odnosi na:

- Dio sredstava u iznosu od 62.358,54 KM se odnosi na realizaciju Projekta „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“. Za navedeni Projekat obezbjeđena su sredstva u iznosu od 93.536,00 KM od Fonda za zaštitu okoliša Federacije Bosne i Hercegovine (Ugovor o dodjeli finansijskih sredstava broj: 01-09-2-2037/2021 od 26.04.2021. godine odnosno obezbjeđeno je 60% ukupne vrijednosti Projekta). Vlada Zeničko-dobojskog kantona, kao osnivač ove zdravstvene ustanove, obezbjeđiti će 40% vrijednosti Projekta uz napomenu da predmetni projekat predstavlja dio ukupnog projekta „Utopljanje objekta JU Zavod za medicinu rada i sportsku medicinu Zeničko-dobojskog kantona“, koji se nalazi u Programu javnih investicija.
- Pored navedenog Vlada Kantona će obezbjeđiti sredstva za pokriće troškova realizacije Ugovora o nabavci radova za rekonstrukciju postojećeg vrelovoda- priključenje objekta Stacionar na sistem daljinskog grijanja (faza I i faza II) u skladu sa Sporazumom o provođenju postupka zajedničke nabavke radova za priključenje objekta Stacionara na sistem daljinskog grijanja, koji su potpisali JU Kantonalna bolnica Zenica i JU Zavod za medicinu rada i sportsku medicinu Zeničko-dobojskog kantona od 15.09.2020. godine. Vrijednost pripadajućih troškova koji se odnose na JU Zavod za medicinu rada i sportsku medicinu Zeničko-dobojskog kantona u prvoj fazi je 20.526,54 KM, a ugovorena vrijednost radova druge faze je 76.050,00 KM.

Za **preostala planirana sredstva u iznosu od 641.064,92 KM** Ministarstvo zdravstva će nakon usvajanja Programa, uputiti dopis ostalim javnim zdravstvenim ustanovama, koje nisu obuhvaćene ovim Programom da u zadatom roku dostave svoje zahtjeve za prioritnim nabavkama neophodne medicinske opreme, te u skladu sa raspoloživim sredstvima utvrditi raspodjelu planiranih sredstava.

2. Kapitalni transferi javnim zdravstvenim ustanovama za neophodne nabavke koje su direktnoj funkciji sprečavanja širenja zarazne bolesti izazvane virusom COVID-19 i liječenja COVID pozitivnih pacijenata - planirani iznos 1.000.000,00 KM

Vlada Zeničko-dobojskog kantona je u cilju zaštite stanovništva od zaraznih bolesti kao i pogoršane epidemiološke situacije početkom 2021. godine, te činjenice da se pandemija neće okončati bez provedene vakcinacije, planirala sredstva čija je namjena finansiranje neophodnih nabavki za potrebe javnih zdravstvenih ustanova, koje će biti u direktnoj funkciji sprečavanja širenja zarazne bolesti izazvane virusom COVID-19 i liječenja pacijenata.

Važno je napomenuti da se u okviru Federalnog ministarstva realiziraju nabavke za zdravstvene ustanove sa područja Federacije Bosne i Hercegovine (Projekat COVID-19), čija je realizacija

počela u 2021. godini, te će planirane nabavke zavisiti i od dinamike realizacije ovog projekta, a sve u cilju racionalnog utroška budžetskih sredstava.

U skladu sa Odlukom o raspodjeli planiranih sredstava u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti- za zdravstvo“, broj: 02-11-7756/21 od 31.05.2021. godine, od ukupno 1.000.000,00 KM planiranih sredstava za nabavke koje su direktnoj funkciji sprečavanja širenja zarazne bolesti izazvane virusom COVID-19, **za JU Kantonalna bolnica Zenica je planiran iznos od 800.000,00 KM, a za ostale javne zdravstvene ustanove iznos od 200.000,00 KM.**

Najveći dio planiranih sredstava za JU Kantonalna bolnica Zenica bit će utrošen za građevinske radove i to: radove ispred Odjela za zarazne bolesti, radove na Odjelu mikrobiologije, kao i nabavku i proširenje instalacija sa kisikom na svim odjelima gdje se smještaju COVID-19 pozitivni pacijenti (616.837,00 KM). Pored navedenih nabavki planirana je nabavka električnih kreveta (115.537,00 KM), a od nemedicinske opreme ugradnja lifta (67.626,00 KM).

Za potrebe ostalih javnih zdravstvenih ustanova planirana je nabavka neophodnih frižidera za potrebe provođenja vakcinacije.

Obzirom da se u uslovima pandemije ne mogu sa sigurnošću planirati nabavke, navedena sredstva će se odobravati prema potrebama koje utvrdi Krizni štab Ministarstva zdravstva Zeničko-dobojskog kantona, a prema epidemiološkoj situaciji.

Kriterij za dodjelu sredstava

JU Kantonalna bolnica Zenica je iskazala potrebe za nabavkama pri izradi Programa (dopis JU Kantonalna bolnica Zenica , broj: 01-11-3258/21 od 04.06.2021. godine.

Neophodne potrebe za nabavkama za ostale javne zdravstvene ustanove po vrsti i količinama, kao i korisniku sredstava, utvrđivat će Krizni štab Ministarstva zdravstva, prema epidemiološkoj situaciji. Na prijedlog Ministarstva zdravstva Vlada Kantona će donositi odluke o odobravanju sredstava.

Zdravstvena ustanova kojoj Vlada Kantona odobri sredstva provodi postupak nabavke u skladu sa Zakonom o javnim nabavkama („Službeni glasnik Bosne i Hercegovine”, broj: 39/14), a namjenski utrošak sredstava se dokazuje uplatom sredstava dobavljaču.

PREMIJER

Mirnes Bašić

Broj: 02-_____/21

Datum, 01.07.2021. godine

Zenica

DOSTAVLJENO

1x Ministarstvo zdravstva,

1x Ministarstvo finansija,

1x a/a.